

UDAL HAUTESKUNDEAK MAIATZAREN 25EAN

Mertxe Etxeberria eta Joxan Rekondo Bildu Hernani eta EA-EAJko alkategai

■ Bildu Hernanik astearte ilun-
tzeko batzarrean erabaki zuen
kandidatua eta zerrenda eta EA-
EAJ koalizioak atzo arratsaldean
egin zuen publiko bere erabakia.

■ Mertxe Etxeberriak adierazi du
momentu honetan abertzale eta
ezkertiar guztien beharra dagoela
eta Bildu Hernanik oso ekipo ona
eta konpletoa osatu duela.

■ EA-EAJk azpimarratu du ego-
era politiko konplikatu dela, eta
bere kandidaturak jende ezagu-
na, esperientzia duena eta jende
berria biltzen dituela.

MERTXE Etxeberria oraingo Alkatea eta Joxan Rekondo Alkate ohia izango dira Bildu Hernani eta EA-EAJko buru datozen Udal Hauteskundeetan. Zerrendaburu izatera zerk bultzatu dituen galdetuta, Mertxe Etxeberriak esan du momentu honetan abertzale eta ezkertiar guztien beharra dagoela. Joxan Rekondok azpimarratu du datozen lau urteetan Hernanin badagoela zer egingo eta zer gauza berri bultzatua. Biek adierazi dute lanerako gogoz eta ilusioz daudela.


Bildu Hernani

Bildu Hernaniko kandidatuak ez du azaldu berarekin batera zerrendan zein joango diren, baina, bere hitzetan, Bildu Hernanik oso ekipo ona eta konpletoa osatu du: "lehendik Udaletxean arituak egongo dira eta jende berria ere bai, eta denak ere lanerako oso bero eta ilusionatuta gaude" adierazi dio Bildu Hernaniko alkate gaiak Kronikari.

Epaileek Bildu Hernani ilegalizatu ote lezaketan galdetuta, Mertxe Etxeberriak adierazi du Alderdien Lege berria sentidu horretan egingo dagoela eta helburua dela "Euskal Herriko nortasunaren motorra izan den Ezker Abertzaleari trabak jartzea". Hala ere, Etxeberriak dio Madrilek itxura pixka bat zaindu nahi badu oso zail egingo zaiola plataformara elektoralak ilegalizatzea.



Mertxe Etxeberria, Bildu Hernaniko kandidatua. Joxan Rekondo EA-EAJko kandidatua.



Azkenik, Bildu Hernani plataformak 1.400 firmatik gora bildu ditu. Atzo zen sinatzeko azken eguna eta epea 15:00ak arte zela iragarri arren, sinadurak lehenago en-
tragatu behar izan ziren eta Udaletxera etorritako jende askok ezin izan zuen sinadurarik eman. Bildu Hernanik barkamena eskatu die guztiei.

EA-EAJ koalizioa

EA-EAJko buruak azaldu du datozen 4 urteetan Hernanin badagoela zer egingo eta zer

gauza berri bultzatua, eta asmo berri horiek gauzatzea da bere erronka. EA-EAJko zerrendako bigarrena Andoni Amonarraiz EAJko kidea izango da, koalizioak Kronikara bidalitako prentsa oharren arabera. Joxan Rekondoren esanetan, oraingo Udal Taldeko zenbait kidek jarraitu egingo dute: Jose Ramon Lasartek, Iñaki Arratibelek, Iñaki Barriok, esaterako. EA eta EAJk erdibana egin dute zerrendetako ordezkaritza.

EA-EAJ koalizioak nabarmendu du Euskal Herriak oso momentu politiko konplikatu bizi duela eta horren aurrean bere kandidaturak jende ezaguna, esperientzia duena eta jende berria biltzen dituela.

Bukatzeko, EA-EAJ koalizioak maiatzaren aurreneko astean aurkeztuko dute kandidatura. Ekitaldi horretan, Iñaki Galdos eta Juan Mari Juaristi, EA eta EAJko Gipuzkoako buruak Hernanin izango dira. □

GURE ETXOLA

Bizkaiara bidaia apirilaren 26an

GURE Etxolak Bizkaiara bidaia antolatu du apirilaren 26rako, datorren larunbata zortzi. Bidaian Bolivar, Zenarruza, Markina eta Lekeitio ingurua bisitatuko dituzte. Prezioa 24,55 euro dira eta interesatuak Gure Etxolatik pasatzen arratsaldeko 17:00etatik aurrera (Atzieta kalean). □

OSTEGUN SANTUA

Azken Afariko Mezak gaur herriko hiru parroketan

GAUR Ostegun Santu Eguna da eta arratsaldean mezak izango dira herriko hiru parroketan. Ereñotzuko San Antonio parrokiaren 17:00etan da meza, Floridako Jose Langilean 19:00etan eta Juan Bataiatzailean 20:00etan. Bihar, Ostiral Santu Eguna, Gurutzbidea eta mezak izango dira goizean, eta Pasio Ospakizuna arratsaldean. □

EA-EAJ

Korreoz botoa emateko informazioa

HERNANIKO EA-EAJ-k korreo bidezko botoari buruzko informazio zerbitzuak jarriko ditu apirilaren 22tik maiatzaren 15era. Informazioa Alkartetxean eta Batzokian astelehenean ostiralera, 18:00etatik 19:00ak arte. Telefonoak: 943-330745 (Alkartetxea) eta 943-550212 (Batzokia).

ZINEA BITERIN

Aste Santuan ez dago pelikularik

ASTE Santua dela-eta ez da pelikularik izango datorren asteburuan. □

OIALUME ZAR SAGARDOTEGIA

OIALUME ZAR SAGARDOTEGIA

Asteartetik larunbatera zabalik.

943 55 29 38

OIALUME AUZOAN

ZINGI-ZANGA

Jatetxea
Eguneko menuak
Asteburuan afariak

Florida 54
Tel.: 943 33 03 97

Urbietakalea 6 - Iezkerra

URBIETA FISIOTERAPIA

Tel.: 943 55 74 58 / 656 77 30 10
urbietafisioterapia@hotmail.com

AMEGAR

Etxe tresnak
Altzariak

Elektrogailuak
TB- Bideoak-
HI-FI-Opariak

Sukalde altzariak

Tel.: 943 55 11 25
Faxa: 943 55 16 30

GALARRETA JAI-ALAI!

Ostegun, larunbat eta igandetan jaialdiak

GAUR 16:00ETATIK AURRERA

ERREMONTE JAIALDIA:

1. partidua: Odriozola-Olazar / Matxin IV-Urrutia
2. partidua: Zeberio II-Iriarte / Altuna I-Lizaso
3. partidua: Elizalde-Etxeberri / Bereziartua-Lekunberri
4. partidua: Urretbizkaia Anaiak / Sarasua-Mendizabal



Rafael Cristobalen hitzaldian bete egin zen Biteriko ikastaro gela.

Rafael Cristobal espezialistak 0-3 urte arteko haurren seinaleei buruz hitz egin zuen

UDAL Haurreskolak antolatuta, Rafael Cristobal psikiatra eta haur hezkuntzako espezialistak hitzaldia eman zuen Biterin, 0-3 urte bitarteko umeen seinaleak ondo ulertzearen garrantziaz. Mondragon Uni-

bertsitateko irakaslearen hitzaldiak erantzun ona izan zuen eta hitzaldi aretoa bete egin zen.

Haurreskolak bi hitzaldi antolatu zituen umeen inguruan. Bigarren hitzaldian Alex Barandiaran UHEZiko irakas-

leak hezitzaileen paperari buruz hitz egin behar zuen, baina, azken unean adituak ez zuen etortzerik izan osasun arazoengatik. Hitzaldi hori aurrerantzean izango da, oraindik egunik ez badu ere. □

Mendiriz Mendik Pirineotara mendi irteera antolatu du Maiatzaren 1eko zubirako

■ Eguraldiak laguntzen badu, 3.000 metroko bi mendi igoko dituzte: Clarabide eta Bardamina ■ Izena ematea zabalik dago eta apirilaren 28an bukatuko da epea.

MENDIRIZ Mendik 4 eguneko mendi irteera antolatu du Pirineotara Maiatzaren 1eko zubirako. Eguraldiak laguntzen badu behintzat, hirumilako bi mendi igoko dituzte, Clarabide (3.020 m) eta Bardamina (3.083 m). Eguraldi txarra edo elur txarra badago, inguruko beste mendi batzuk igoko dituzte.

Bidaian, Maiatzaren 1ean aterako da Atsegindegitik goizeko 06:00etan, eta Estos-seko aterpera joko dute,

Clarabide dagoen bailarara. Clarabide ez da berez mendi zaila, baina, desnibel handia du eta elur dezente egon liteke. Horregatik, Mendiriz Mendik dio komeni dela irteera honetan apuntatzeko mendian ibiltzen zailduta egotea. Hurrengo egunean, Bardamina igotzeko plana dago. Mendiriz Mendiren esanetan, mendi hori aurrekoa baino gogorragoa da, luzeagoa delako eta aldapa handiagoak dituelako.

Elurretako materiala

Mendiriz Mendik Kronikari adierazi dionez, mendi irteera horretara behar-beharrezkoa da elurretarako materiala eramatea (kranpoiak eta pioleta).

Izena emateko epea zabalik dago eta apirilaren 28an bukatuko da. Prezioa, 90 euro FEFMEko federatuentzat, 120 EMFko federatuentzat eta bazkide ez direnentzat 10 euro gehiago. Prezioan sartzen dira bidaia eta 3 eguneko loa, gosaria eta afaria. □

ESKOLA KIROLA ASTEBURUKO EMAITZAK



Waterpoloko jokalariek joan den larunbatean, kiroldegian.

ESKOLA kiroleko partiduak izan ziren joan den asteburuan Hernanin, eta honenbestez maiatzerarteko partiduak bu-

katu dira. Datozen bi asteburuetan deskantsua dute Hernaniko kirolari gazteek, Aste Santuko oporrak direla-eta.

Joan den asteburuko emaitza bakarra: areto futbolearen, infantiletan, Langilek 4-Auxiliadorak 5. □



Muslariak Peña Otañoko txapelketan.

Peña Otañoko mus txapelketa final laurdenetan sartu da

■ Xalaparta elkarteko mus txapelketan datorren asteazkena arte dago zabalik izena emateko epea.

PEÑA Otañoko mus txapelketa final laurdenetan sartu da eta apirilaren 25 arte dute epea fase horretako partidak jokatzeko. Bitarte horretan, honako bikote hauek arituko dira elkarren kontra: Rekalde-Bilbao/ Sagarna-Luis; Capdequi-Goikoetxea/Balantxa I-Balantxa II; Pipo-Niko/Enrike-Linter; eta Txatarra-Txi-

flo/Arruti-Sagarna.

Peña Otañok Maiatzaren 1ean egiten du elkarteko urteurren bazkaria eta mus txapelketako sariak egun horretan banatuko ditu Jose Mari Odriozola lehendakariak.

Bestalde, Xalaparta elkartean ere mus txapelketa martxan da eta izen ematea zabalik dago, apirilaren 23 arte. □

ERREMONTA



Matxin II (eskubian) Galarretan egin zitzaion agurrean, Pello Aizpururen eskutik oparia jasotzen, profesionalen izenean.

Partiduak gaur Galarretan

GAUR, osteguna, erremonte jaialdia izango da Galarretan, arratsaldeko 16:00etan hasita. Lau partidu jokatu dira eta tartean Lizasok jokatu du, aurreko astean Ezkurra menpean hartu eta gero. Lizasok Altuna I-arekin jokatu du, Zeberio II eta Iriarteren kontra. Gainerako partiduak:

Odriozola-OlazarI/MatxinIV-Urrutia; Elizalde-J.Etxeberria/Bereziartua-A. Lekunberri; eta, Urretabizkaia anaiak/Sarasua-Mendizabal.

Bestalde, Jokin Etxabek Euskalen jokatu du gaur: Elizalde-A. Lekunberri/Bereziartua-Etxabe, jaialdiko hirugarren partidua. □

ZERBITZUAK

☎ TELEFONOAK

- ▶ Taxiak: 943 550093
- ▶ Udaltzaingoa: 943 333288
- ▶ DYA: 943 464622
- ▶ Autobusak: 943 556662
- ▶ Anbulatorioa: 943 006666
- ▶ Jokalari anonimoak: 943 331103

☎ FARMAZIAK

- ▶ Egunez: Bilbao-Sagastiberri Urbieta 7 ☎ 943 552941
- ▶ Gaez: De Miguel Lasarte. Nagusia 32 ☎ 943 361556

IRAGARKI MERKEAK

Etxebizitza eta lokaletarako mota guztietako instalazio elektrikoak egiten dira (segurtasuna, energi aurreztea, erosotasuna,...). Deitu: 627 51 97 76

Pertsona bat behar dut etxeko lanak egin eta umeak zaintzeko, 08:00-12:00etara eta 16:00-20:00etara. 609 76 10 85 (20:00etatik aurrera deitu).